

[fol. 168v]

So hat man vf beschehen vnderthenigstes *Suppliciren* Hansen Schleinckhofers, Possthalters zue Sall, vermög aines der 1689ig-iehrigen Preurechnung *fol. 195 sub Litt. P* beigelegten genedigisten Befelchs, *datirt* den 27. *February A<sup>o</sup>* 1690 genedigist bewilligt, das ihme, Possthaltern, wegen der nacher Kelhamb zue dem Churfürstlichen Pfleg-, Cassten- vnnd Preuambt bestelter Posstsachen an stath ainer Ergözung fir ain Schaf Haber, es seye hernach solcher wollfaill oder theuer, sechs Gulden iehrlich von Preuambts wegen sollen abgestattet werdtten, welche er dan an heuer widerumben

N<sup>o</sup>. 195 eingennommen lauth Scheins den 14. *May A<sup>o</sup>* 1692  
6 fl. —

Nicht weniger empfängt Georg Schamberger, Preuambts Pott, sein iehrlich genedigist bewilligtes Wartgelt gleich vorige Jahr Inhalt Scheins, *datirt*

N<sup>o</sup>. 196 den 14. *May Anno* 1692  
8 fl. — —

*Huius* 14 fl. — —

[fol. 169r]

*Summa Außgab auf Potten-*  
*lohn thuet*  
24 fl. 55 kr.<sup>138</sup>

Dise Summa ist gegen ferten vmb 12 kr. 4 hl.  
mehrer

<sup>138</sup> Den Angaben zufolge sind es 24 fl. 45 kr.